

BERITA MARA

THURSDAY JUNE 20, 2002

UniTEK-MARA ambil pelajar baru bulan depan

Oleh Mohd Azrone Sarabatin

UNIVERSITI Teknikal Mara (UniTEK-MARA) secara rasmi mendapat kelulusan daripada Jabatan Pendidikan Swasta, Kementerian Pendidikan pada 17 Jun lalu dan membolehkannya mengambil pelajar mulai Julai depan.

Pengerusi Mara, Datuk Wira Abu Seman Yusop berkata, pendaftaran kumpulan pertama pelajar universiti teknikal pertama di Malaysia itu dibuat pada 5 Julai depan.

Seramai 80 pelajar mendapat tawaran untuk mengikuti Pengajian peringkat Ijazah sarjana muda.

Untuk permulaan, katanya,

UniTEK-MARA menawarkan dua program iaitu Bacelor Teknologi Kejuruteraan (Robotik dan Automasi Industri) dan Bacelor Teknologi Kejuruteraan (Penyamanan Udara dan Penyejukbekuan).

"Pengambilan pelajar akan ditambah pada masa akan datang bersesuaian dengan keperluan tenaga kerja negara yang memerlukan pekerja mahir dalam bidang teknikal," katanya dalam sidang akhbar di Kuala Lumpur semalam.

Hadir sama ialah Ketua Penggarah Mara, Datuk Mohd Mydin Mohd Sheriff dan Presiden yang juga Ketua Eksekutif UniTEK-MARA, Datuk Dr Ibrahim Saad.

Peringkat awal, universiti

berkenaan menggunakan kampus Malaysia France Institute (MFI) sebagai kampus sementara, sebelum berpindah ke kampus tetap.

Bagaimanapun, Abu Seman berkata, Mara belum mengetahui pasti lokasi untuk kampus tetap UniTEK-MARA.

Katanya, Mara mengemukakan cadangan kepada Kementerian Pendidikan untuk menukar nama UniTEK-MARA kepada Universiti Kuala Lumpur dan permohonan itu mungkin diluluskan tidak lama lagi.

Katanya, pengajian pelajar universiti itu akan dibayai oleh Mara menerusi pinjaman berjumlah RM19,000 untuk seorang pelajar.

Sementara itu, Dr Ibrahim



DR IBRAHIM

berkata, universiti berkenaan ialah institusi yang mengkhusus kepada bidang kejuruteraan dan teknologi sepenuhnya.

Dua program yang ditawarkan mulai Julai ini adalah hasil kerjasama dengan MFI dan dua institusi pengajian tinggi dari Perancis.



ABU SEMAN